

爾雅註疏卷第六

晉郭璞註

宋邢昺疏

釋地第九

注案說文云元氣初分輕清陽為天重濁陰為地萬物所陳列也自虎通云

地者易也言養萬物懷任交易變化含吐應節也釋名云地底也其體在底下載萬物也禮統云地施也諦也應變施化審諦不誤也北篇釋地之所載四方中國州府陵藪之異故曰釋地

爾河間曰冀州

注自東河至西河河南曰豫州**注**自南

河至漢河西曰雒州

注自西河至黑水。離於漢南

曰荊州

注自漢南至衡山之陽江南曰揚州**注**自江

南至海濟河間曰兗州註自河東至濟濟東曰徐州

註自濟東至海○濟子燕曰幽州註自易水至北狄

齊曰營州註自岱東至海此蓋殷制疏此齊九州之

也兩河間曰冀州注自東河至西河者周禮職方氏云河內曰冀州禹貢不說境界孔安國云此州帝都不說境界以餘州所至即可知其禹貢兗州云濟河自東河以東也豫州云荆河自南河以南也雍州云西河自西河以西也明東河之西西河之東南河之北是冀州之境也言東河西河南河者皆據帝都冀州而言也案禹貢導河自積石龍門南流謂之西河至於華陰折而東經底柱孟津過洛汭皆東流謂之南河至于大伾折而北流過泒水至于大陸又北播為九河同為逆河入于海謂之東河此惟云兩河者從可知李巡曰兩河間其氣清厥性相近故曰冀近也○河南曰豫州注自南河至漢者職方與此

同禹貢云荆河惟豫州孔安國云西南至荆山北距
河水以其荆山在荆州漢水所經故文不同其實一
也李巡云河南其氣著密厥性安舒故曰豫豫舒也
。河西曰雍州注自西河至黑水者周禮正西曰雍
州禹貢云黑水西河惟雍州孔安國云西距黑水東
據河案酈元水經黑水出張掖雞山南流至燉煌過
三危山南流入於南海然則雍州之境東據龍門河
西距此黑水也李巡云河西其氣旅壅厥性急凶故
曰雍雍壅也兼得梁州之地西北之位陽所不及陰
壅也。漢南曰荆州注自漢南至衡山之陽者周禮
正南曰荆州禹貢荆及衡陽惟荆州孔安國云北據
荆山南及衡山之陽言非據荆山則至漢水也李巡
曰漢南其氣燥剛稟性強梁故曰荆荆強也其名以
爲取荆山之名荆警也南蠻數爲寇逆常警備也。
江南曰揚州注自江南至海者周禮東曰揚州禹
貢淮海惟揚州孔安國云北據淮南曰海然則揚州
之境跨江北至淮此云江南者舉大而言也李巡
曰江南其氣燥勁厥性輕揚太。地記云以揚州漸

太陽位天氣奮揚履正含文故取焉。濟河間曰
兗州注自河至濟者周禮河東曰兗州禹貢濟河惟
兗州孔安國云東南據濟西北距河孔傳云據者謂
跨之也距至也濟河之間相去路近兗州之境跨濟
而過東南越濟水西北至東河也李廵云濟河間其
氣專質厥性信謙故曰兗兗信也釋名以爲取兗水
之義。濟東曰徐州注自濟東至海者禹貢海岱及
淮惟徐州孔傳云東至海北至岱南及淮此云自濟
東則是西至濟也李廵曰淮海間其氣寬舒稟性安
徐故曰徐徐舒也周合其地於青州。燕曰幽州注
自易水至北狄者周禮東非曰幽州李廵曰燕其氣
深要厥性剽疾故曰幽幽要也禹貢其地合於冀州
也地理志云涿郡故安縣間鄉易水所出東至范入
濡也從此易水至於北狄幽州之境也。齊曰營州
注自岱東至海此蓋殷制者周禮正東曰青州禹貢
云海岱惟青州孔傳云東北據海西南距岱然則此
營州則青州之地也博物志云營與青同海東有青
丘齊有營丘豈是名乎太康地記云東方少陽其色

青其氣清歲之首事之始故以青為名焉此蓋殷制者以此文上與禹貢不同下與周禮交異禹別九州有青徐梁而無幽并營是夏制也周禮周公所作有青并幽而無徐梁營是周制也此有徐幽營而無青梁并疑是殷制也以無正文故云蓋也

九州

注此上釋九州之名故題云九州也

魯有大野

注

今高平鉅野縣東北大澤是也

注

此下至周有焦

護釋十藪之名也禹貢徐州云大野既豬地理志云大野澤在山陽鉅野縣北鉅即大也由其旁有大澤故縣以鉅野為名哀十四年左傳云西狩於大野以其澤在曲阜西故云西狩也郭云今高平鉅野縣者東晉時鉅野屬高平郡故輿志不同凡注言今者皆謂東晉時也

晉有大陸

注

今鉅鹿北廣河澤是也

注

孫炎曰廣河猶大陸以地名言

之近爲是也禹貢冀州云大陸既作是也案定元年左傳晉魏獻子田於大陸焚焉還卒於甯杜預注嫌鉅鹿絕遠疑此田在汲郡吳澤甯今修武縣近吳澤計此二澤相去甚遠亦得言大陸者以其廣平曰陸但廣而平者則名大陸故異所而同名也澤雖卑下旁帶廣平之地故統名焉

秦有楊陟

註

今在扶風汧縣西

于反

陟於

疏

周禮冀州云其澤藪曰楊

陟鄭注云所在未聞又雍州云其澤藪曰弦蒲鄭注云在汧案地理志汧吳山在西古文以爲汧山北有蒲谷鄉弦中谷雍州藪今注亦云在汧然則周禮弦蒲卽此楊陟也

宋有孟諸

註

今在梁國睢陽縣東北

疏

周禮青州其澤藪曰望諸鄭注

云望諸明都也在睢陽禹貢豫州云導蒗澤被孟豬左傳亦作孟諸文不同者聲轉字異正是一地也

楚有雲夢

註

今南郡華容縣東南巴丘湖是也

疏

周禮荊州

云其澤藪曰雲曹鄭注云雲曹在華容禹貢云雲子
夢作又昭三年左傳楚子與鄭伯田于江南之夢又
定四年楚子涉睢濟江入于雲中杜預云南郡枝江
縣西有雲夢城江夏安陸縣東南亦有夢城或曰南
郡華容縣東南有巴丘湖江南之夢也雲夢一澤而
每處有各者司馬相如子虛賦云雲夢者方九百里
則此澤跨江南北亦得單
稱雲單稱夢曹即夢也

吳越之間有具區

[註]

今吳縣南太湖即震澤是也

[註]

禮周

揚州云其澤藪曰具區鄭注云在吳南地理志云會稽吳縣故周泰伯所封國也具區在西方古文以為震澤禹貢揚州云三江既入震澤底定是也

齊有海隅

[註]

海濱廣斥

[註]

此營州藪也云海濱廣斥禹貢文也孔傳云濱涯也言復

其斥鹵案說文云鹵鹹地也東方謂之斥西方謂之鹵海畔迴濶地皆斥鹵故云廣斥也

燕有昭余祁

[註]

今太原鄆陵縣并九澤是也

[疏]

周禮并州其澤

數曰昭余祁鄭注云在鄆地理志云鄆九澤在并是為昭余祁并州數是也

鄭有圃田

[註]

今滎陽中牟縣西圃田澤是也

[疏]

周禮豫州云其

澤數曰圃田鄭注云在中牟地理志云中牟圃田澤在并西豫州數僖三十三年左傳云鄭之有原圃猶秦之有具圃也又詩車攻云東有甫草鄭玄以為甫田之草皆謂此也

周有焦護

[註]

今扶風池陽縣瓠中是也

[疏]

孫炎云周岐周也詩六月

云獫狁匪茹整居焦護是也時人謂之瓠中也

十藪

[疏]

題上事也說文云大澤也風俗通云數厚也有草木魚鼈所以厚養人也

東陵隄南陵息慎西陵威夷中陵朱滕并陵西隄雁門

是也

註

即雁門山也

○音信

疏

此五方之陵名也其義及所枉未詳云雁門是

也者此指解北陵也即雁門山是也

陵莫大於加陵

註

今所枉未聞

疏

莫無也陵大阜也言陵無大於加陵者謂

加陵最大者今所枉未聞

梁莫大於湟梁

註

湟水名梁隄也

○湟古壁切

疏

釋宮云隄謂之梁詩

傳云石絕水曰梁然則以土石為隄障絕水者名梁雖所枉皆有而無大於湟水之旁者杜注云湟出河內軹縣東南至溫人河春秋襄十六年公會晉侯以下于湟梁是也

墳莫大於河墳

註

墳大防

疏

墳大防也謂隄雖水所皆有而河墳最大也

八陵

註

此亦題上事也大阜曰陵湟梁河墳雖非大阜以其絕大若陵故通謂之

八陵也

東方之美者有醫無閭之珣玕琪焉註醫無閭山名今

在遼東珣玕琪玉屬玕○珣玕東南之美者有會稽之

竹箭焉註會稽山名今在山陰縣南竹箭篠也○會稽

稽古南方之美者有梁山之犀象焉註犀牛皮角象

牙骨西南之美者有華山之金石焉註黃金礪石之

屬西方之美者有霍山之多珠玉焉註霍山今在平

陽永安縣東北珠如今雜珠而精好西北之美者有

崑崙虛之璆琳琅玕焉註璆琳美玉名琅玕狀如珠

也山海經曰崑崙山有琅玕樹崑路昆切虛音墟北方之美

者有幽都之筋角焉註幽都山名謂多野牛筋骨東

北之美者有斥山之文皮焉註虎豹之屬皮有縹綵

者斥中有岱岳與其五穀魚鹽生焉註言泰山有

魚鹽之饒註此釋八方中國各山所產之物也○案

顏師古云卽謂醫巫閭是縣因山爲名故云山名今

在遼東周禮幽州鎮也云珣珣琪玉屬者說文云珣

周書所謂美玉也珣石之似玉者琪玉也皆玉之類

也故云玉屬○周禮揚州云其山鎮曰會稽鄭注云

在山陰地理志會稽郡山陰縣云會稽在南上有禹

冢禹井故云山名今在山陰縣南也云竹箭篠也者

禹貢揚州云篠簜旣敷釋草云篠竹箭也郭云別二

名則竹箭一名篠是竹之小者可以爲箭幹者也○

南方之美者有梁山之犀象焉者郭氏不注梁山所
在犀象二獸皮角牙骨材之美者也。黃金礪石之
屬者經惟言金知黃金者以三品之中黃金爲上此
言美者故知黃金礪石之次玉者玉藻云土佩礪
玼而縕組紱是也其類非一故云之屬。注霍山至
精好者周禮冀州其山鎮曰霍山鄭云在彘案地理
志河東郡彘縣云霍大山在東冀州山周厲王所奔
應劭曰順帝改曰永安然則東晉時屬平陽郡而縣
名永安故云今在平陽永安縣也云珠如今雜珠而
精好郭氏時驗爲然也璆與球同說文云璆玉磬也
琳美玉名書云曼擊鳴球美玉可以爲磬故皆云美
玉也山海經曰者案海內西經云帝之下都崑崙之
虛方八百里高萬仞其上有三頭人琅玕樹注云琅
玕子似珠也。幽都者山海經云北海之內有山名
曰幽都之山是也。斥山山名也文皮虎豹之屬其
皮毛有文采細縕故謂之文皮焉。岱岳泰山也此
言中國也五穀黍稷麻麥豆也泰山東近海禹貢海
岱惟青州厥貢鹽絺海物惟錯言其饒多非一種故

注云言泰山有魚鹽之饒也

九府

[疏]此亦題上事也府聚也財物之所藏故言此八方及中皆美物之所聚故

題云九府也

東方有比目魚焉不比不行其名謂之鰈**[註]**狀似牛脾

鱗細紫黑色一眼兩片相合乃得行今水中所荏有

之江東又呼爲王餘魚

音鰈

南方有比翼鳥焉不比

不飛其名謂之鸛鸛

[註]

似鳬青才色一目一翼相得

乃飛西方有比肩獸焉與邛邛鉅虛比爲邛邛鉅虛

齧甘草卽有難邛邛鉅虛負而走其名謂之𧈧**[註]**呂

氏春秋曰北方有獸其名爲𧈧鼠前而免後趨則顛

走則顛然則邛邛岨虛亦宜鼠後而免前前高不得

取甘草故須𧈧食之今雁門廣武縣夏屋山中有獸

形如兔而大相負共行土俗名之爲𧈧鼠

邛巨凶岨巨齧五

結難乃且𧈧厥

北方有比肩民焉迭食而迭望

註

此卽半體

之人各有一目一鼻一孔一臂一脚亦猶魚身之相

合更望備警急

迭徒結切

中有軹首蛇焉

註

岐頭蛇也

或曰今江東呼兩頭蛇爲越王約髮亦名督弦

軹居是

切此四方中國之異氣也

疏

此釋五方異氣而產非常之物也云東方有比

目魚焉者言東方水中有魚其形狀似牛脾鱗細紫
黑色一眼兩片相合兩目相比乃得行故曰比目魚
云不比不行者比合也言一片不能行須兩片相合
乃行故云不比不行也云其名謂之鰈者言鰈爲比
目之名也一名比目魚一名鰈郭云江東又呼爲王
餘魚○案山海經云崇吾山有鳥狀如鳬一翼一目
相得乃飛名曰蠻蠻郭云比翼鳥也色青赤不比不
得飛爾雅作鵽鵽者正謂相比也○云西方有比肩
獸焉者此謂鰈也與印印鰈虛相比鰈則肩庫不能
走而能取甘草印印鰈虛則首高不得取甘草而善
走穆天子傳曰印印鰈虛走百里是也故各以其能
而濟所不能鰈常爲印印鰈虛齧甘美之草仰而食
之卽有急難印印鰈虛則背負而走者其名謂之鰈
也云呂氏春秋二十六篇秦相呂不韋輯智畧士作
也云曰井方有獸至則顛者大慎覽順說篇之文也
引之乃以證印印鰈虛之形也然則以下郭氏注云
今雁門廣武縣云云者目驗知之也井方至迭望此
卽半體人也兩半相比乃得爲人動作及禦非常以

肩在上而顯故謂之北肩民焉迭更也謂一體取食則一體瞻望所以備警急也故云迭食而迭望。云中有軹首蛇焉軹岐也此卽兩頭蛇也今江東呼越王約髮言是越王約髮所變也亦名弩弦卽以形相似而名之也

五方

疏此亦題上事也言是五方風氣殊異而生此怪物也

邑外謂之郊郊外謂之牧牧外謂之野野外謂之林林

外謂之垆

註

邑國都也假令百里之國五十里之界

界各十里也

○垆古營切

下溼曰隰大野曰平廣平曰原

高平曰陸大陸曰阜大阜曰陵大陵曰阿可食者曰

原**註**可種穀給食陂者曰陂

註

陂陀不平下者曰溼

詁公羊傳曰下平日隰田一歲曰菑**詁**今江東呼初

耕地反草爲菑二歲曰新田**詁**詩曰于彼新田三歲

曰菑**詁**易曰不菑菑

音于菑此釋郊野之地遠近高下不同之名也云邑外

謂之郊者邑國都也謂國都城之外名郊也云郊外
謂之牧者言可放牧也書牧誓云王朝至於商郊牧
野乃誓是也云牧外謂之野者言牧外之地名野詩
傳云郊外曰野者以細別言之則郊外之地名牧牧
外之地名野若大判而言則野者郊外通名故周禮
六遂狂遠郊之外遂人職云凡治野田是其郊外之
地總稱野也云野外謂之林者言野外之地名林以
其去都邑遠薪采者少其地可長平林因名云也云
林外謂之坳者言林外之地最爲遠野名坳魯頌云
駟駒牡馬在坳之野毛傳云坳遠野是也注云邑國
都也者案周禮四縣爲都四井爲邑春秋莊二十八
年左傳曰凡邑有宗廟先君之主曰都無曰邑然則